

ՏՆՕՐՀՆԷՔ

ՕՐՀՆԵԱԼ ՏԵՐ ՄԵՐ ՅԻՍՈՒԿ ՔՐԻՍՏՈՍ. ԱՄԷՆ:
ՀԱՅՐ ՄԵՐ...

ՇԱՐԱԿԱՆ ԴԿ.

Խորհուրդ մեծ եւ սքանչելի, որ յայսմ աւուր յայտնեցաւ. հովիւքն երգեն ընդ հրեշտակս, տան աւետիս աշխարհի:

Ծնաւ նոր արքայ ի Բեթղեհէմ քաղաքի. որդիք մարդկան օրհնեցէք, զի վասն մեր մարմնացաւ:

Անբաւելին երկնի եւ երկրի ի խանձարուրս պատեցաւ. ոչ մեկնելով ի Հօրէ ի սուրբ այրին բազմեցաւ:

ՔՐԻՍՏՈՍ ԾՆԱԻ ԵՒ ՅԱՅՏՆԵՑԱԻ:

Ալէլուիա օրթի:

Խաղաղութիւն ամենեցուն:

Երկիւղածութեամբ լուարուք:

Սրբոյ Աւետարանիս Յիսուսի Քրիստոսի, որ ըստ Ղուկասու:

Փառք Քեզ Տէր Աստուած մեր:

Պռօսխումէ:

Ասէ Աստուած:

«Եւ հովիւք էին ի տեղւոջն յայնմիկ բացաւթեայք, որ պահէին զպահպանութիւնս զիշերոյ հաւտից իւրեանց: Եւ հրեշտակ Տեառն երեւեցաւ նոցա, եւ փառք Տեառն ծագեցին առ նոսա. եւ երկեան՝ երկիւղ մեծ: Եւ ասէ ցնոսա հրեշտակն. «Մի՛ երկնչիք, զի ահաւասիկ աւետարանեմ ձեզ ուրախութիւն մեծ, որ եղիցի ամենայն ժողովրդեանն. զի ծնաւ ձեզ այսաւր փրկիչ, որ է՝ աւծեալ Տէր. ի քաղաքի՛ Ղաւթի: Եւ այս նշանակ գտանիցէք՝ մանուկ պատեալ ի խանձարուրս եւ եղեալ ի մսուր»: Եւ յանկարծակի եղեւ ընդ հրեշտակին ընդ այնմիկ բազմութիւն զաւրաց երկնաւորաց, որ աւրհնէին զԱստուած՝ եւ ասէին. «Փա՛ռք ի բարձունս Աստուծոյ, եւ յերկիր խաղաղութիւն, ի մարդիկ հաճութիւն»: Եւ եղեւ իբրեւ վերացան ի նոցանէ հրեշտակքն յերկինս, ասեն ցմիմեանս հովիւքն. «Եկայք, երթիցուք մինչեւ ցԲեթղեհէմ, եւ տեսցո՛ւք զինչ է բանս այս որ եղեւ. զոր Տէր եցոյց մեզ»: Եւ եկին փութանակի, եւ գտին զՄարիամ եւ զՅովսէփ, եւ զմանուկն եղեալ ի մսուր»:

Քարոզ

Եւ եւս խաղաղութեան՝ զՏէր աղաչեսցուք:
Վասն լսելի լինելոյ Տեառն Աստուծոյ
ձայնի աղաչանաց մերոց՝ զՏէր աղաչեսցուք:
Վասն պահելոյ զմեզ ընդ հովանեաւ
ամենագօր Աջոյն Իւրոյ՝ զՏէր աղաչեսցուք:
Յաղագս հիւանդաց եւ ամենայն վշտացելոց
փութապէս առողջութեան՝ զՏէր աղաչեսցուք:
Վասն պարգեւելոյ մեզ առողջ խորհուրդս
եւ առաքինի վարս՝ զՏէր աղաչեսցուք:
Վասն հոգւոցն հանգուցելոց, որք ճշմարիտ
եւ ուղիղ հաւատով ի Քրիստոս ննջեցին՝ զՏէր աղաչեսցուք:
Ողորմեաց մեզ, Տէր Աստուած, մեր ըստ մեծի ողորմութեան Քում. ասասցուք
ամենեքեան միաբանութեամբ:

ԱՂՈԹՔ

Տէր ողորմեա, Տէր ողորմեա, Տէր ողորմեա.

Արտասուաթոր հառաչմամբ եւ լալագին պաղատանաւք, ըղծմամբ
հայցեմ եւ խնդրեմ՝ միջնորդ եւ բարեխաւս ունելով զՍուրբ Լուսաւորիչս
ընդհանուր ամենայն սրբովք՝ առ ապենիագն Աստուած, որ առատն է ի տուրս
բարեաց եւ աննախանձ ի պարգեւս, անքէն եւ անոխն ի չարիս եւ բնաւին իսկ
ներող ի գոջացեալս, զի քաղցր ակամբ հայեաց ի յիւրականի բարձրութենէն, ի
գոգեալ եւ ի յովտացեալ անձինս մեր եւ զուղիսս փափկութեան եռանդաշարժ
աւրինութեան եւ ամենալիր բարութեան հեղցէ, զեղցէ եւ սփռեսցէ Է ի վերայ
ձեր՝ որպէս անձրեւ ի վերայ ձեր՝ որպէս անձրեւ ի վերայ սիզոյ եւ որպէս
տարափ ի վերայ խոտոյ:

Այլ եւ դարձեալ աղաչեմ եւ աղաւթեմ ի վերայ ձեր եւ ընդ մեզ
կցորդակից զամենայն սուրբս, զի ամենագաւր բազկաւն եւ ամենախնամ
Աջովն Իւրով պարսպեալ պահեսցէ զձեզ տամբ եւ զաւակաւք եւ ամենայն
գոյիւք անսասան կենաւք ի զարդ Եկեղեցւոյ եւ ի գեղ վայելչութեանս սուրբ
անունն Իւրոյ:

Հիւանդաց ձերոց առողջութիւն պարգեւեսցէ, գլորելոցն կանգ[ն]ունն
տացէ, մոլորելոցն դարձ տացէ, վշտացելոցն մխիթարութիւն ընծայեսցէ,
ննջեցելոցն հանգիստ եւ ողորմութիւն արասցէ, իսկ կենդանեացո՞ կեանք
անցաւագին եւ ժամանակ անվրդովք: Հաւատք կենդանացեալ գործովք եւ
գործք վերտառացեալ հաւատովք: Արգանդ ձեզ բազմածինք եւ զաւակք
շնորհընկալք, հայրասէրք եւ աստուածասէրք: Կանայք՝ համեստք եւ
[աղ]աւթասէրք, այրասէրք եւ որդեսէրք, աստուածասէրք, երկիւղածք,
աղքատա[սէրք] եւ տնարարք:

Եւ ... եկեսցէ, զետեղեսցի, զեղցի որպէս զգետ արհնութիւնք՝ լի ամբարութեամբք, զոր աղաւթեցաք ի վերայ ձեր, քանզի ասէ Գիրն, թէ՛ «Հաւատացելոյն ամենայն աշխարհ լի է ընչիւք, իսկ անհաւատին՝ եւ ոչ դանգ մի» (Առակ. ԺԷ 4):

Ո՛ղջ լերուք ի կամս հզարին Աստուծոյ իմոյ Յիսուսի. ամէն: